

Синеклиза диэн геологической өйдөбүллээх киэн хотостугас сир арангата, кэлэр-барар илэчиискэ дьон харчы тахсар сиригэр үмүөрүһүүлэрэ, кинилэр сиэх-аһыах айылаах сиэмэх бодолоох быһыылары-таһаалара сиһилии суруллар. Ону сэргэ, төрүт олохтоох сахалар сиэрдэрэ-майгылары, тапталлары, айылҕабыт барахсан кэрэ көстүүтэ — барыта өрө тутулан суруллубутун тартаран ааҕабын.

Кинигэ түмүктэниитэ ааҕааччы өйүн-санаатын аймаһытар, этин-сиинин дьигиһитэр дьикти күүстээх. Ол күүс көстүбэт харанга күлүгэ инникибитин өссө да сабардыа дуо? Бу бэйэлээх кэрэ дойдубут, сайдыылаах олохпут дьылҕатын ама, кэхтии, сатарыйыы күүтэр дуо?.. Хара дьай күүһүн—сэрии сэбин «Олохпут сайдарын туһугар»,--диэн алы тыллаах быһымах туттаммыт сирбитин-уоппутун сүргэйэн, сүһүрдэн бардахпытына төһө өр олоробут, диэн баттык санааҕа ылларабын. Ол эрэри, сэрэхэтиэйэр санаабытын үрэйэн, дурда-хахха онгостор сүдү тииппит үрдүк чыпчаалыгар сааллар этин дуксуйар, чабылҕан уота чабылыһар—Айылҕабыт өссө да модун күүһүн, инникигэ эрэли үөскэтэр бигэ туругун көрдөрөр!

Николай Калитин прозаик быһыытынан олоххо тыһааһыннаах актуальной проблемалары, сытыытык туруорсар киэн билиилээх үрдүк профессиональной таһымнаах суруйааччы. Кини суруйар тиэмэтин эргиччи өттүнэн үөрэтэн элбэҕи ааҕарынан, ырытарынан тэнгээбэ суох. Ол иһин айымньыларын ааҕааччыга дьайар күүһэ олус итэҕэтиилээх, ылыннарарылаах буолар. Онуоха тылы билэринэн, энкилэ суох таба туттарынан кини аныгы проза эталон суруйааччытын быһыытынан билиниллэригэр толору быраап баар.

Тумарча

20. 04. 2015